

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-86/24**  
**Vareš, 29.04.2024. godine**

**Z A P I S N I K**  
**sa 33. sjednice 28.03. 2024. godine**

Predsjedavajuća OV pozdravila je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Sahudina Beganović, Nurdin Begović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović, Nikola Šimić i Ešref Likić.

**Odsutni:** Maja Berberović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 33. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravlo Marošević, pomoćnici načelnika - gosp. Ermin Musa i gosp. Ibrahim Spahić, rukovodilac JURA – gosp. Rusmir Berberović, ispred Sluzbe za privredu i finansije - gosp. Velida Džafo, komandir PS Vareš - gosp. Džemal Mumunović i predstavnici medija.


Predsjedavajuća OV izvijestila je prisutne da je na 32. sjednici OV održanoj 31.01.2024. godine, Vijeće donijelo jedan (1) zaključak koji je i realizovan. Postavljeno je jedanaest (11) vijećničkih pitanja. Na sva pitanja je odgovoreno.

**(Izjašnjavanje vijećnika o dobivenom odgovoru)**

Nije bilo izjašnjavanja.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



*(Vijećnička pitanja i Inicijative)*

**Dario Dodik**

1. Koji je razlog za neodržavanje sjednice Općinskog vijeća Vareš za mjesec februar?

**Šaban Ibrišimović**

2. Kada će firma Mušinbegović konačno početi sa realizacijom projekta na kraljevskom gradu Bobovcu?

**Amela Brkić**

3. Ponavljam pitanje sa 28. sjednice OV održane 28.09. 2023. godine. Odnosi se na angažovanje logopeda za djecu kojoj je to potrebno, po mojim saznanjima veliki je broj te djece. Zašto do sada nije riješeno pitanje logopeda?
4. Ukoliko je moguće zatražila bih od JU Dom zdravlja Vareš informaciju o oboljelim licima od karcinoma. Odnosno, procentualno broj oboljelih, izliječenih i preminulih u proteklih 10 godina, od 2013.-2023. godine.

**Nurdin Begović**

5. Ko je odgovoran za prihvatanje radova na mostu na pijaci iz Općine Vareš? Da li ste zadovoljni na koji način je izvršena rekonstrukcija mosta na pijaci?

**Sahudina Beganović**

6. Kada će doći do sanacije na kanalizacionoj mreži nana zidu kod javne česme Toplik? Nalazi vode sa javne česme ne zadovoljavaju kriterije pravilnika o higijenskoj ispravnosti vode za piće. Česma se nalazi u centru grada pa stoga je i veća odgovornost prema građanima.

**Dario Dodik**

7. Zatražio bih da se hitno pristupi (u narednih 15 dana) obilježavanju i mjerenju svih udarnih rupa na svim ulicama u gradu i na području lokalnih puteva, također i onih koje su rekonstruirane prošle godine jer su se sada pojavile nove udarne rupe. Da se krene u dalju proceduru koja se odnosi na odabir izvođača radova i sanacije svih udarnih rupa.

**Igor Hinger**

8. Već četiri puta se vrši djelomična sanacija udarnih rupa na području Ponikve, koliko još puta se treba asfaltirati jedna ili dvije rupe da bi se u konačnici saniralo 300-400 m? Krajnje je vrijeme da se ova lokacija sanira da bi se dovela u normalno stanje. Pitanje je upućeno prema Ministarstvu za prostorno uređenje, promet i komunikacije i zaštitu okoline, Kantonalnoj direkciji za ceste i na firmu koja održava regionalni put.

## Inicijative

### **Malik Rizvanović**

1. Da se izvrši sanacija/zamjena zaštitnih mreža iza golova na malonogometnom terenu za fudbal iza OŠ u Dabrinama.

### **Nurdin Begović**

2. Da Općina Vareš sufinansira nabavku materijala potrebnog za rješavanje problema krova na zgradi S-23 i zgradi koja se nalazi kod Policijske stanice Vareš jer su stanari, etažni vlasnici spomenutih zgrada pristali da učestvuju sa 30% svojih sredstava.

Predsjedavajuća OV stavila je na raspravu Zapisnik sa 32. sjednice OV.

Nije bilo učesnika i predsjedavajuća OV stavila je na izjašnjenje Zapisnik sa 32. sjednice OV i nakon izjašnjenja vijećnika konstatuje da je **jednoglasno sa 18 glasova „ZA“ usvojen Zapisnik sa 32. sjednice OV.**

Predsjedavajuća OV stavila je na raspravu prijedlog dnevnog reda 33. sjednice OV koji je usuglašen na Kolegiju Općinskog vijeća.

Predsjedavajuća OV pozvala je ovlaštenog predlagaca da Vijeću obrazloži Prijedlog Odluke koji su vijećnici dobili pred početak sjednice, a koji je prijedlog za dopunu dnevnog reda 33. sjednice.

Ispred predlagача pomoćnik načelnika Ermin Musa predložio je dopunu dnevnog reda 33. sjednice sa tačkom "Prijedlog Odluke o načinu i uslovima raspolaganja nekretninama u vlasništvu Općine Vareš" (zgrada Centralne radionice sa pripadajućim zemljištem). U obrazloženju izvjestio je Vijeće da je Adriatic Metals BH iskazao zainteresovanost za kupovinu navedenih objekata i zemljišta.

Vijećnik Emir Islamović izjavio je ispred Kluba vijećnika SDA da Klub neće podržati prijedlog za dopunu dnevnog reda jer je materijal dostavljen na samoj sjednici tako da organi stranke nemaju priliku raspravljati o prijedlogu odluke. O istom je dao pojašnjenje.

Vijećnik Mirnes Ajanović izjavio je ispred Kluba vijećnika SDP da Klub neće podržati prijedlog za dopunu dnevnog reda i da se prijedlog Odluke razmatra na narednoj sjednici kako bi vijećnici mogli proanalizirati prijedlog Odluke.

Vijećnik Dario Dodik smatra da se prijedlog Odluke treba razmatrati na narednoj sjednici. Uz dato pojašnjenje predložio je da se u prijedlogu Odluke u dijelu gdje je naveden jedan Lot, isti razdvoji na 3 Lot-a.

Općinski načelnik Zdravko Marošević u svom obraćanju dao je dodatno pojašnjenje i izjavio da je objekat Centralne radionice dobio značajnu cijenu prodaje, daje se mogućnost kupcu da ulaganjem u objekat isti dovede u bolju poziciju. Dao je pojašnjenje zašto se prodaja vrši pod jednim Lot-om. Na izjave vijećnika da su materijal za dopunu dnevnog reda dobili na samoj sjednici i da nemaju vremena da isti analiziraju, izjavio je da ako vijećnici žele mogu ga razmatrati kao zadnju tačku dnevnog reda ili uzeti pauzu od 2 h na kojoj bi razmotrili materijal. Ako Vijeće smatra da može drugačije, može ga razmatrati i za pet mjeseci, ali ova tematika će doći i iduće godine. („Ja Vam ostavljam poruku da će iste godine u ovo doba potpuno isto pitanje imati potpuno isti zahtjev“).

Vijećnik Dario Dodik javio se za repliku u kojoj je uputio kritiku na dio govora Općinskog načelnika prilikom obraćanja vijećnicima.

Nije više bilo učesnika i predsjedavajuća OV stavila je na izjašnjenje prijedlog za dopunu dnevnog reda 33. sjednice sa tačkom „Prijedlog Odluke o načinu i uslovima raspolaganja nekretninama u vlasništvu Općine Vareš" (zgrada Centralne radionice sa pripadajućim zemljištem).

Nakon izjašnjenja vijećnika predsjedavajuća OV konstatuje da sa **6 glasova "ZA" i 12 glasova "PROTIV" nije usvojen prijedlog za dopunu dnevnog reda.**

Predsjedavajuća OV izjavila je da na prvoj narednoj sjednici OV koja bude zakazana treba da se nađe tačka dnevnog reda koja je odbijena na današnjoj sjednici.

Predsjedavajuća OV stavila je na izjašnjavanje prijedlog dnevnog reda **33. sjednice OV** koji je usuglašen na Kolegiju Općinskog vijeća i nakon izjašnjavanja vijećnika konstatuje da je **jednoglasno sa 18 glasova „ZA“ usvojen sljedeći**

### *Dnevni red*

1. Informacija o radu Policijske stanice Vareš sa ocjenom stanja bezbjednosti za 2023. godinu.  
- Izvjestilac: Komandir PS Vareš.
2. Prijedlog Odluke o raspodjeli sredstava za političke stranke i klubove vijećnika u Općinskom vijeću Vareš iz Proračuna Općine Vareš za 2024. godinu.  
- Izvjestilac: Stela Terzić.
3. Izvještaj o radu Jedinstvenog općinskog organa uprave Općine Vareš i Općinskog načelnika za 2023. godinu.  
- Izvjestilac: Općinski načelnik.
4. Prijedlog Programa rasporeda i utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2024. godini.  
- Izvjestilac: Ibrahim Spahić.
5. Izvještaj o realizaciji Odluke općinskog fonda za vatrogastvo u 2023. godini.  
- Izvjestilac: Ibrahim Spahić.
6. Izvještaj o realizaciji Programa rada Općinskog vijeća Vareš za 2023. godinu.  
- Izvjestilac: Predsjedavajuća OV.
7. Izvještaj o realizaciji Programa finansiranja komunalnih djelatnosti u 2023. godini.  
- Izvjestilac: Ermin Musa.
8. Informacija o projektima obnove stambenih objekata na području općine Vareš u 2023. godini.  
- Izvjestilac: Ermin Musa.
9. Informacija o epidemiološkom stanju i podacima pandemije Covid-19 na području općine Vareš u periodu od 01.01. – 31.12.2023. godine.  
- Izvjestilac: Velida Džafo.

10. Informacija o ostvarenoj suradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.

- Izvjestilac: Mersad Đido.

11. Informacija o provedbi projekta „Jačanje povjerenja kohezije u zajednicama u Bosni i Hercegovini.“

- Izvjestilac: Rusmir Berberović.

12. Informacija o realizaciji Projekta „Bridge“ – Izgradnja interkulturalnog dijaloga.

- Izvjestilac: Rusmir Berberović.

13. Tekuća pitanja

#### Ad. 1.

#### *(Informacija o radu Policijske stanice Vareš s ocjenom stanja sigurnosti za 2023. godinu)*

Izvjestilac nije imao dodatno pojašnjenje.

Otvorena je rasprava u kojoj su učestvovali vijećnici: Zakir Džafo (*postavio je pitanja u vezi broja uposlenika u PS, problema blata na cestama zbog povećanog broja prometovanja kamiona i kontrole parking mjesta namijenjenih osobama sa invaliditetom*), Malik Rizvanović (*sugerisao je da se pojača prisustvo patrola u jutarnjim i večernjim satima na području MZ Dabravine*) i Amela Brkić (*postavila je pitanje u kojoj je fazi procedura postavljanja nadzornih kamera na ulazu i izlazu iz grada*).

Komandir PS Vareš Džemal Muminović u svom obraćanju informisao je prisutne o radu PS Vareš i odgovorio na postavljena pitanja vijećnika u raspravi.

U daljnjoj raspravi su učestvovali: vijećnik Dario Dodik (*uz dato pojašnjenje skrenuo je pažnju na žalbe osoba koje dolaze iz dijaspore zbog učestalog zaustavljanja i kontrolisanja vozila*) i predsjedavajuća OV Mahira Brkić (*skrenula je pažnju na problem parking mjesta za invalidne osobe, odnosno na obavezno posjedovanje obilježja na vozilima invalidnih osoba*).

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

#### *Informaciju o radu Policijske stanice Vareš s ocjenom stanja sigurnosti za 2023. godinu.*

#### Ad. 2.

*(Prijedlog Odluke o raspodjeli sredstava za političke stranke i klubove vijećnika u  
Općinskom vijeću Vareš iz Proračuna Općine Vareš za 2024. godinu.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o raspodjeli sredstava za političke stranke i klubove vijećnika u Općinskom vijeću Vareš iz Proračuna Općine Vareš za 2024. godinu i nakon izjašnjavanja vijećnika konstatuje da je **jednoglasno sa 17 glasova "ZA" usvojena**

***Odluka o raspodjeli sredstava za političke stranke i klubove vijećnika u Općinskom vijeću Vareš iz Proračuna Općine Vareš za 2024. godinu.***

**Ad. 3.**

*(Izveštaj o radu Jedinstvenog općinskog organa uprave Općine Vareš i Općinskog načelnika za 2023. godinu)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o radu Jedinstvenog općinskog organa uprave Općine Vareš i Općinskog načelnika za 2023. godinu.

Nakon izjašnjavanja vijećnika predsjedavajuća konstatuje da sa **7 glasova "ZA" i 8 "SUZDRZANIH" glasova nije usvojen**

***Izveštaj o radu Jedinstvenog općinskog organa uprave Općine Vareš i Općinskog načelnika za 2023. godinu.***

**Ad.4.**

*(Prijedlog Programa utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2024. godini.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Programa utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2024. godini.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova "ZA" usvojen**

***Program utroška planiranih sredstava ostvarenih po osnovu posebne naknade za zaštitu od prirodnih i drugih nesreća namijenjenih za provođenje preventivnih mjera u 2024. godini.***

**Ad.5.**

*(Izveštaj o realizaciji Odluke općinskog fonda za vatrogastvo u 2023. godini)*

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjenje Izveštaj o realizaciji Odluke općinskog fonda za vatrogastvo u 2023. godini.

Nakon izjašnjenja vijećnika predsjedavajuća OV konstatuje da je **jednoglasno sa 17 glasova „ZA“ usvojen**

*Izveštaj o realizaciji Odluke općinskog fonda za vatrogastvo u 2023. godini.*

**Ad.6.**

*(Izveštaj o realizaciji Programa rada Općinskog vijeća Vareš za 2023. godinu)*

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjenje Izveštaj o realizaciji Programa rada Općinskog vijeća Vareš za 2023. godinu.

Nakon izjašnjenja vijećnika predsjedavajuća OV konstatuje da je sa **11 glasova „ZA“ i 6 „SUZDRŽANIH“ glasova usvojen**

*Izveštaj o realizaciji Programa rada Općinskog vijeća Vareš za 2023. godinu.*

**Ad.7.**

*(Izveštaj o realizaciji Programa finansiranja komunalnih djelatnosti u 2023. godini)*

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjenje Izveštaj o realizaciji Programa finansiranja komunalnih djelatnosti u 2023. godini.

Nakon izjašnjenja vijećnika predsjedavajuća OV konstatuje da je sa **11 glasova „ZA“ i 6 „SUZDRŽANIH“ glasova usvojen**

*Izveštaj o realizaciji Programa finansiranja komunalnih djelatnosti za 2023. godinu.*

**Ad.8.**

*(Informacija o projektima obnove stambenih objekata na području općine Vareš u 2023. godini)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o projektima obnove stambenih objekata na području općine Vareš u 2023. godini.***

**Ad.9.**

*(Informacija o epidemiološkom stanju i podacima pandemije Covid-19 na području općine Vareš u periodu od 01.01. – 31.12.2023. godine)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o epidemiološkom stanju i podacima pandemije Covid-19 na području općine Vareš u periodu od 01.01. – 31.12.2023. godine.***

**Ad.10.**

*(Informacija o ostvarenoj suradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o ostvarenoj suradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.***



#### **Ad.11.**

*(Informacija o provedbi projekta „Jačanje povjerenja kohezije u zajednicama u Bosni i Hercegovini.“)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o provedbi projekta „Jačanje povjerenja kohezije u zajednicama u Bosni i Hercegovini.“***

#### **Ad.12.**

*(Informacija o realizaciji Projekta „Bridge“ – Izgradnja interkulturalnog dijaloga.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o realizaciji Projekta „Bridge“ – Izgradnja interkulturalnog dijaloga.***

#### **Ad.13.**

*(Tekuća pitanja.)*

1. Zahtjev za donošenje Odluke u vezi korištenja javnog puta Borovica (lokacija Rupice) – Tisovci, broj:1018/2024 od 06.03. 2024.godine, dostavljen od Adriatic Metals BH d.o.o. Vareš.

Predsjedavajuća OV upoznala je prisutne da je Kolegij OV razmatrao Zahtjev i imao par nedoumica u vezi suštinskog značenja riječi „prekomjerno korištenje puta“. Kolegij se složio da ne može biti do Tisovaca jer se izlazi na regionalnu cestu, a to nije naša nadležnost i da može biti do Centralne radionice. Adriatic Metals je dostavio i dopunu Zahtjeva (koju su dobili svi vijećnici) za donošenje Odluke kojom se odobrava Adriatic Metals BH d.o.o. neometano, neograničeno, osim uslova da Adriatic Metals BH d.o.o. koristi put sa teretnim vozilima i dozvoljenim ograničenjem tereta za lokalni put prema važećim zakonskim aktima i bez bilo kakve naknade koristi put Borovica (lokacija rudnika Rupice) –do Centralne radionice u gradu Varešu, završetkom Lota- 4, za sve vrijeme trajanja rudnika.

Otvorena je rasprava u kojoj su učestvovali vijećnici: Emir Islamović (sugerisao je da Prijedlog Odluke obavezno sadrži i Mišljenje pravobranioca), Mario Mirčić (skrenuo je pažnju da ostaje dio puta Vijadukt – Tisovci), Amela Brkić (skrenula pažnju na dionicu puta sa Pržića do Vareš Majdana), predsjedavajuća OV Mahira Brkić (skrenula je pažnju vijećnicima da se razmatra samo ono u vezi čega se Adriatic Metal obratio Vijeću i da se danas može donijeti samo zaključak da po okončanju radova svih Lot-va i ostalih potrebnih radnji, nadležna služba pripremi Prijedlog Odluke sa mišljenjem pravobranioca) i Dario Dodik (sugerisao je da pravobranilac obrati pažnju na anex sporazuma koji je potpisan

između Općine Vareš i Adriatic Metals gdje se Općina obavezala da će dozvoliti korištenje puta bez obaveze plaćanja, skrenuo je pažnju na pojedine dijelove puta koje Adriatic Metals nije izgradio ali ih je sanirao).

Predsjedavajuća OV predložila je i stavila na izjašnjavanje sljedeći

#### **Zaključak**

- **Da Služba za prostorno uređenje nakon okončanja svih radova, a nakon izdavanja upotrebne dozvole i završetkom Lot-a 4 od strane društva ADRIATIC METALS BH d.o.o., pripremi prijedlog Odluke u vezi korištenja javnog puta Borovica(lokacija Rupice) -Centralna radiona u skladu sa zakonom. Uz navedenu Odluku dostaviti i Mišljenje zamjenika Općinskog pravobranioca. Prijedlog Odluke dostaviti Općinskom vijeću na dalje postupanje.**  
**Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen predloženi Zaključak.**

2. Molba za sanaciju makadamskog puta (oštećenja koja su nastala od polaganja vodovoda kroz MZ Pogar) od JKP Vareš, opravka rasvjete kroz MZ Pogar, broj:1/24 od 08.02.2024. godine, dostavljen od predsjednika MZ Pogar.

Predsjedavajuća OV upoznala je prisutne da je po istoj Molbi Služba za prostorno uređenje dostavila Izjašnjavanje broj:02/3-793/24 od 27.03.2024. godine u kome je navedeno da je izvršena sanacija puteva u MZ Pogar uz angažovanje Općine i JKP d.o.o. Vareš.

3. Zahtjev za reagovanje u vezi sanacije puta u naselju Rajčevac od 12.02.2024. godine dostavljen od građana koji žive na području Rajčevca.

Predsjedavajuća OV upoznala je prisutne da je po istoj Molbi Služba za prostorno uređenje dostavila Izjašnjavanje broj:02/3-793/24 od 27.03.2024. godine u kome je navedeno da je obavljen razgovor sa nekim od potpisnika Molbe, te da im je sugerisano da se potpisnici očituju da li su za opciju da im se dodijeli traženi materijal a da oni isti ugrade. Općina bi mogla brzo obezbijediti materija. Nema još povratne informacije.

4. Informacija sa održanog sastanka u vezi stanja rc 444 a na dionici puta Vareš-Pogar-Bukovica, dostavljena od vijećnika Šabana Ibrišimović 13.02.2024. godine. Sastanak je održan 02.02.2024. godine na kome je bio prisutan generalni menadžer Adriatic Metal BH d.o.o. Vareš i vijećnik Šaban Ibrišimović. Predsjedavajuća OV podsjetila je prisutne da je na prošloj sjednici Vijeće zadužilo vijećnika Ibrišimović Šabana da OV izvijesti o održanom sastanku. Vijećnik Šaban Ibrišimović upoznao je prisutne o održanom sastanku i radnjama koje je poduzeo nakon sastanka.

5. Molba za rješavanje problema snadbijevanja vodom objekta Mrestilište od 28.02.2024. godine, dostavljen od Hinger Zdravka i Dopis UG sportskih ribolovaca Vareš sa molbom za iznalaženje modela snadbijevanja vodom sa izvora Studenac Mrestilište, kako bi se zadovoljile sve potrebe korisnika te vode, broj:003/24 od 28.02.2024. godine.

Predsjedavajuća OV izvijestila je prisutne da je Kolegij OV od JKP d.o.o. Vareš tražilo očitovanje po gore navedenim dopisima. JKP d.o.o. Vareš dostavilo je Vijeću na znanje dopis broj:91-02/24 od 21.02.2024. godine i Zaključak NO JKP d.o.o. Vareš broj:106-02/24 od 27.02.2024. godine u kome je navedeno da podnosioci predmetne molbe i zahtjeva upućuju se da se obrate sa zahtjevom za priključak na javni vodovod, kako bi im JKP d.o.o. Vareš moglo dati tehničko rješenje i uputstva za priključenje, te kako bi bili evidentirani kao korisnici usluge vodosnadbijevanja pod istim uslovima kao i sva druga pravna lica.

Predsjedavajuća OV je na osnovu dostavljenih dopisa JKP d.o.o. Vareš konstatovala da Vijeće nema nadležnosti u rješavanju tematike navedene u dopisima.

Otvorena je rasprava u kojoj su učestvovali vijećnici Dario Dodik, Zakir Džafo i Općinski načelnik Zdravko Marošević.

Predsjedavajuća OV je na osnovu diskusije u raspravi predložila i stavila na izjašnjavanje sljedeći

#### Zaključak:

- **Da JKP d.o.o. Vareš iznađe mogućnost odnosno na neki način pomogne u funkcionisanju objekta Mrestilište u smislu priključka vode. Obzirom da se radi o privredniku (gosp. Zdravko Hinger) koji se bavi uzgojem ribe potrebno je riješiti problem snadbijevanja vodom.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen predloženi Zaključak.**

6. Dopis-Inicijativa za pokretanje uknjižbe planinarskog doma na Mekušama, broj.05/24 od 15.02.2024. godine dostavljen od PD „Zvjezdan grad“ Pržići Vareš.

Predsjedavajuća OV upoznala je prisutne da je po Dopisu Služba za prostorno uređenje dostavila Izjašnjavanje broj:02/3-793/24 od 27.03.2024. godine u kome je navedeno da je Služba već provjerila potrebne aktivnosti koje bi se trebale provesti radi rješavanja ovog problema, a to je proglašenje javnog interesa, eksproprijacija, pretvaranje šumskog zemljišta u građevinsko itd. U saradnji sa zamjenikom Općinskog pravobranioca krenuti će se u rješavanje ovoga problema.

7. Zahtjev/Molba za sanaciju potpornog zida na lokalitetu groblja Stogić uz regionalnu cestu R 444, broj:40/2024 od 12.03.2024. godine dostavljen od Župnog ureda Sv. Mihovila arkanđela - Vareš.

Predsjedavajuća OV upoznala je prisutne da je po Zahtjevu Služba za prostorno uređenje dostavila Izjašnjavanje broj:02/3-793/24 od 27.03.2024. godine u kome je navedeno da su Općinski načelnik i Služba izašli na lice mjesta sa mogućim izvođačima radova, te su dogovorene aktivnosti na rješavanju problema.

8. Obavijest broj:02/2-038/24 od 13.03.2024.godine dostavljen od Službe za opću upravu, društvene djelatnosti i BiZ a u vezi Zaključka OV sa 24. sjednice o pokretanju postupka imenovanja Zdravstvenog savjeta Općine Vareš. S obzirom da na Javni poziv koji je bio objavljen nije bilo prijava nije ni imenovan Zdravstveni savjet Općine Vareš.

9. Obavijest Općinskog načelnika broj:02-524/24 od 13.03.2024. godine u vezi nemogućnosti imenovanja jednog člana Skupštine JP Vareš-stan d.o.o. Vareš, jer ni na Ponovni javni poziv nije bilo prijava.

Predsjedavajuća OV upoznala je prisutne da se po ovom problemu očitovala zamjenica Općinskog pravobranioca (Očitovanje broj:R-70/24 od 27.03.2024. godine) u kome je predložila i uputila preporuku za izmjenu Odluke o usklađivanju statuta JP Vareš-stan d.o.o. Vareš sa Zakonom o javnim preduzećima FBiH i Zakonom o privrednim društvima gdje bi se navelo da „Funkciju Skupštine javnog preduzeća vrši Osnivač . U slučaju da je spriječen vrši Osnivač putem punomoćnika...“

Predsjedavajuća OV podsjetila je prisutne da je Vijeće dva puta donosilo Zaključak da se Odluka usaglasi sa Zakonom o javnim preduzećima FBiH i Zakonom o privrednim društvima i da Vijeću nikad nije dostavljen prijedlog te odluke.

Predsjedavajuća OV uz dato pojašnjenje predložila je i stavila na izjašnjavanje sljedeći

**Zaključak:**

- Da Općinski načelnik zaduži osobu koja će pripremiti Odluku o usklađivanju statuta javnih preduzeća sa Zakonom o javnim preduzećima FBiH i Zakonom o privrednim društvima sa preporukom zamjenika Općinskog pravobranioca. Navedenu Odluku pripremiti do naredne sjednice Općinskog vijeća.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen predloženi Zaključak.**

10. Račun za razliku cijene obračuna komunalnih usluga za fizička i pravna lica za mjesec januar 2024. godine, broj:53-02/2024 od 26.02.2024. godine i Račun za razliku cijene obračuna komunalnih usluga za fizička i pravna lica za mjesec februar 2024. godine, broj:60-02/2024 od 29.02.2024. godine. **(Informativno).**

11. Molba za pomoć pri rješavanju trenutne situacije (prostorni kapacitet), broj: 01-071/24 od 15.03.2024. godine, dostavljena od JPU Dječije obdanište Vareš.

Predsjedavajuća OV upoznala je prisutne da je po Molbi, Općinski načelnik dostavio Vijeću Očitovanje broj.02-582/24 od 25.03.2024. godine u kojoj je navedeno da je Molba opravdana i da će se u što skorijem roku pristupiti rješavanju navedenog problema na način da se JPU Dječije obdanište Vareš vrata prostorije koje su ustupljene JU Centar za socijalni rad Vareš.

12. Dopis u vezi formiranja novog odjeljenja u MSS „Nordbat-2“ Vareš-mogućnost pokretanja Inicijative, dostavljen od Alihodžić Mirsada, Mižnovići bb Vareš 07.02.2024. godine.

Predsjedavajuća OV upoznala je prisutne da je Dopis proslijeđen MSS „Nordbat-2“ Vareš na očitovanje i da još nije dostavljena povratna informacija.

Predsjedavajuća OV u ime Općinskog vijeća Vareš i u svoje lično ime uputila je građanima katoličke vjeroispovijedi čestitke za predstojeći blagdan Uskrs a građanima islamske vjeroispovijedi čestitke za Ramazanski bajram.

Sastavni dio ovog Zapisnika je audio zapis sjednice.

Sjednica je završena u 16.05 sati

ZAPISNIČAR  
*Azra Pijadžer*  
Azra Pijadžer



*Mahira Brkić*  
PREDSJEDAVAJUĆA  
OPĆINSKOG VIJEĆA

Mahira Brkić